

安徽縣志彙編

中國地方志集成

安徽百國縣志

中國地方志集成

安徽府縣志輯 ⑨

光緒廬江縣志



江蘇古籍出版社 ● 上海書店 ● 巴蜀書社

責任編輯 薛飛
封面設計 范一辛
美術編輯 姜嵩

中國地方志集成

安徽府縣志輯⑨

出版發行 江蘇古籍出版社

社址：南京市中央路一六五號

發行部電話：〇二五—三三三三四六二

郵編：二一〇〇〇九

印刷 上海市印刷七廠

定價 二三五元

1998年4月第1版第1次印刷

ISBN 7-80519-966-3/K·445



光緒廬江縣志



(清)

盧 俞 錢

燮

鈺 奎 鏊

纂 修

本書十六卷首一卷，據清光緒十一年（一八八五）刻本影印。

興起足資觀感闡遺徽於
 汪哲示規範於將來誰謂
 邑志之修無關於此而人
 心也故至同治年左事諸
 人槩於周序中添列不志
 勞也


廬江縣志

卷之首

序

三

光緒十一年歲次乙酉仲春月
 既望知廬江縣事陽湖錢鑾序



原序

廬江廬州之屬邑畿輔要地也禹貢爲揚州之域在漢爲郡尋
 爲邑并潛升龍舒割屬無爲沿革不常而志亦無傳良可惜也
 吾鄉周君際之來掌茲邑首以是爲闕典因請於太守陳公謀
 諸學博莫君負聿聘邑人別駕王君萬年纂集而相與校正之
 比成走幣徵余書弁諸首因復之曰志之來尚矣昔者成周之
 制職方所司外史所掌詳且備矣兩漢亦有可稽唐宋輿地圖
 經等制亦皆志也惟明洪武一統志以志其大者下而郡邑亦
 各有志以志其所當志是皆文獻之徵政事之根本所宜備而
 不可闕焉者也矧此首善之地山川人物古昔明徵志尤不可

廬江縣志

卷之首

原序

四

後者際之是舉其知所當務者歟吾見是志一備則凡戶口之
 登耗田賦之豐吝人才之顯晦風俗之純濇制度之因革悉於
 是乎見而凡政治之弛張緩急亦於是乎可次第舉矣且夫善
 成於感感生於觀自茲厥後吏是邦者希名宦而修德政亦後
 之名宦矣生是邦者慕名賢而勵器業亦後之名賢矣生齒之
 繁風化之厚人物之盛制度之備皆是志之修爲之張本也大
 豈小補云哉然則際之是舉也非迂也宜也余聞際之有善政
 且嘉其知所當務也因忘固陋而爲之序際之名良會別號梅
 華山人云

嘉靖二年孟夏月工科給事中臨川鄒架

原序

廬陵思庭劉公令廬江之二年慨然欲新邑志請白湖宛公爲之總裁其共事則邑博龍田康公庠士魏王諸君也將成劉公擢判淮安經府顧公署縣事未幾建齊龔公繼任實成厥志借白湖公走書南岡屬予爲序予不敏烏足以辱篇端乎哉已而讀志不覺作而言曰美哉鬱鬱廬江之靈彰彰如是乎夫二氣交媾混混茫茫廬江寓乎其間彈丸耳發爲英傑爲珍奇爲山川形勝如諸紀述煥乎文章照耀宇內又何後於通都巨邑也乃寥寥千古迄今日而始一光者譬之家莫非所有抑必賢王歷歷如指諸掌然後一草一木得自表見有生色焉不然則珍

廬江縣志

卷之首

原序

五

異淪於瓦礫多矣然則君子觀斯志也俯仰古今豈不爲之一浩歎耶夫志也者識也譬王之經理其家既竭心思焉又懼後之人忘其所有也爲之紀籍以識之俾後人頃刻一覽而家所有宛然在目昔堂昔構之志勃勃如也審如是仁人相繼而至觸目激衷不將有徧往哲而作俾一邑之靈自是日新月盛而爲簡帙之光者乎則斯志也豈曰小補之哉於是遂書之爲二公復
嘉靖四十二年仲秋月吏部文選司主事郡人蔡悉

原序

邑志志邑也邑之有志猶古列國之有史夫史權是非而昭鑒戒是故考世者必稽焉夫志標前休而策來哲是故秉筆者必慎焉孔子曰文勝質則史謂其詞藻絢麗而是非失實甚矣志不可以不慎也吾廬故有志缺而不修久矣邑侯劉思庭政暇批閱毅然欲輯而新之乃以屬之白湖宛大夫蓋重政體而嚴筆削非賢達如大夫者不可大夫吾師也博雅君子其與人不輕許可則其考覈訂必詳且慎不徒藻繪乎詞章以炫燿簡策爲也史稱司馬遷記事不虛美不隱惡而劉向揚雄氏服其敘事謂之實錄乃王仲淹則謂陳壽之書范甯之春秋思過半

廬江縣志

卷之首

原序

六

者猶以遷固而下率競博洽而辭勸戒不能無遺議焉然則志誠不可以易言也夫以大夫之學之才之公而著之爲志必爲劉揚所稱服而無仲淹氏之所謂遺議將不得爲實錄也乎其間所載官師人物或見思於去後或流光於沒齒使後之當官者見之則惕然修政居鄉者見之則悚然敏德斯志之爲用大矣否則如孔子之所謂史其於志也不亦贅乎若夫考治革識山川搜羅往蹟以修耳目快心意悉未足以盡志之蘊也豈秉筆者之所重在此不在彼耶志登梓劉侯以循良遷去建齊龔侯繼之董厥成焉而以序屬不穀蓋劉侯意也姑述其概如此云

嘉靖四十二年仲秋月邑人柳希玘

廬江縣志

卷之首

原序

七

原序

自楚漢迄於宋元廬之在羣舒江淮重地也志曰廬屋廬也廬江者地近江而可廬猶禹貢所謂既宅今縣名始梁武帝大同中置今邑治始唐景龍二年所遷蓋即漢廬江國故府云壤東與江近西南北與肥水龍舒皖桐無為相繚錯風土亦略似之前代以戰爭侵寇屢經兵燹近世為益甚余不敏筮仕於茲乍入境行蒿萊荆棘中車及郭以內彌望皆墟就前令憊舍為公廩頽垣費隔把茅而居近市而理以言草昧良不誣矣歷七八載出漸關屯漸興蠶織漸廣虛集漸繁睥睨漸補九塞之關枚漸啟牆壁之詩書漸聞或曰江之可為廬其於是乎復哉或曰

廬江縣志

卷之首

原序

八

廬民所不給者賦稅廬令所不卽中程者催科所未加考索者志乘余不敏避席曰催科之拙吾則奚辭志乘吾夙願也敢後諸於是求善本於積書家得隆慶中廬江縣志及崇禎初廬州府志告於邑縉紳先生以下文學三老以上謀新斯志而學博錢于兩君毅然任其事會督學李公檄修江南北諸志既請於郡公公許之諸縉紳文學博士因其探蒐研究纖悉不遺一以續一以補一以刊訛凡再踰月而彙成余不敏捐俸繡梓未踰年而殺青斯竟皆以余不敏宜有言書其簡端余乃三讀而致歎曰吾於廬志有三信焉有三疑焉有三幸焉諸公之裨益我宏矣哉人言漢毛義孝其母隱於茲捧檄而喜其後辟舉皆不

赴吾於童卯時輒訝義爲矯今觀廬之山川風物又揣漢後時
會天下高隱有樂於是者乎信一也人言廬邑處脂膏及吾一
行作吏彫瘵可憐及讀宋王之道繡溪詩有畫橋廊檻湧殿飛
樓之句然後知廬之繁富自古爲然迨明而斷安知生聚之久
不復爲都會乎信二也人言廬有左慈狡獪視魏武又云治
父山歐冶子鑄劍之遺鉛滓猶存吾每指爲誕及觀於今長生
久視之老清靜窟壹之言吾嘗目得接而耳得聞蓋公可作其
更有益於治政乎信三也五代時楊行密故宅在廬邑邑金剛
寺是其地行密嘗稱吳王而李太白上吳王詩有曰坐嘯廬江
靜又同吳王送杜秀才入京詩有曰暫別廬江守則廬江在盛

廬江縣志

卷之首

原序

九

唐有吳王矣何以傳記無考而前此操志者亦不載是詩乎疑
一也廬子國見春秋傳應劭曰廬子國即廬戎之地按左氏廬
戎自在宜城山中劭誤以中廬之廬爲廬江之廬野客叢談辨
此甚確又左傳昭公二十有七年吳公子燭庸伐濳杜註云濳
在廬江六縣西南故邑亦名濳川似矣然安知非皖國之濳乎
疑二也漢光武出淮陽到監鄉問名焉南史陳敗隋將麥鐵杖
於陵亭監鄉陵亭皆廬江地名散見傳錄而廬志不書廬人亦
不能言其所在疑三也先伯父起家寶難令得遍秦中雲樹余
不敏籍銅於廬備歷楚淮物色凡周秦以來史冊所載往來心
目間幸一也獲日從廬賢士大夫游而優毛義之奇滌左慈之

居封宛春周瑜小喬何晏伍喬諸墓以慰夙心幸二也後之君
子存此志而登風俗於瀆古考版籍之闕遺以臻其成詳其略
幸三也諸公之裨益我宏矣哉是爲序
順治十三年季秋既望知廬江縣事樂安孫宏喆

廬江縣志

卷之首

原序

十

原序

典故該於邑志以里之人記里之事詳且悉微且信也若星野疆城官校方物之記前志載之備矣第忠孝節義球壁日臻損益災祥人天時變非歲久續修何以紹將來追往昔也廬邑自崇禎乙亥春獻賊煽虐室之搜燬者幾半逮七閩年屆及壬午則盤踞三季屠戮之慘族無數丁祖龍一炬文獻俱盡毋論邑無藏書即窮鄉僻壤之區頽壁荒原鞠為茂草繇賊一夕驟至四野俱遍士民挈家而逃衣飾悉指安能攜挾括也邑侯孫父臺禧惟雨駐即詢及失誌蒿日憂之延訪數年陳岸吳子愷生偶存其一索閱竟知為二番所修物也是書初修自嘉靖中年

廬江縣志

卷之首

原序

十一

乃予五世祖鄉進士革齋公秉筆再修自萬曆初年乃予叔高祖歲薦進齋公贊成三修自崇禎壬申年乃予先祖恩貢燕巖公纂集茲三修者弗獲其間不無遺亡然家大人目擊心記猶可補其缺略令君曰是書之續無踰於尊公矣任之不堪辭之未克乃於乙未秋日奉諸上臺指回錢于兩學博暨吳夏家叔諸生等逾月而成緜閱考校又逾年始登諸梓夫彫殘之餘首重生聚嗣重教訓生聚則去其病民者如復行條鞭革除僉點大差之弊氓戀樂土永無苛政誌書中倍加詳焉教訓則去其偷民者如表揚文學標忠孝節義之名事必稱實人不忽微誌書中不敢少遺焉孰謂一筆一墨不足以維風而勵俗哉書成

命鼎序之辭曰郡多大老宜景斗山邑求多聞委飾固陋令君

曰否否攷諸成例邑以人重人以書傳稽往而無微而又奚信

焉故不敢辭復不慚其語之質直也

順治十三年季秋之吉邑人王鳳鼎

廬江縣志

卷之首

原序

十二

原序

宇內郡縣星布基置而縣必有志卽周官之閭史也由是上之省府以進於

天子之廷其意嚴其權重矣然世所傳邑志之良者康德涵之志武功邢子愿之志臨邑董見心之志章邱數家而外亦不多見豈非文獻之徵不足而筆削亦難其任歟廬江去郡百五十里自明末數罹兵燹城郭廬舍蕩析無存而邑志久不可開矣

國初邑令孫君宏喆有事纂修猶屬草創今更四十餘年蠹簡蠶翰殘缺失次欲加補綴其道無由會府憲張公來典廬郡首議修輯期年而郡志成爰命各屬次第舉行又數月而合肥志成

廬江縣志

卷之首

原序

十三

余承乏廬江爰諮於廣陵王君武徵進邑人而議之因其舊而新之略者覈闕者補蕪者理絕者續始事於仲春卒業於季夏乃克竣其成而授之梓爲之序曰史學之重也久矣江文通有言史之難無出於志以陳壽之善敘述李延壽之能悉舊事所撰二史俱不克成志誠以憲章所繫非熟於掌故者不能爲也夫輿衰理亂所以該歷代之始終而經制典章所以著百王之損益司馬公之通鑑馬端臨之通考各成一書以備參攷而郡邑之志兼而綜之且郡志略而邑志詳略者提其綱詳而備其目是以難也而在廬尤有難焉者兵燹之後尺籍無稽愚陋之久而老成凋謝且如一編之中代有廢興制有沿革土有瘠腴歲

有饑穰時有祲祥賦有登下俗有消澆生齒有眾寡稅賦有豐耗官師有臧否政教有隆污人文有闕暢非淹雅之識則無以

涵茹古今非貞亮之操則易於任情毀譽非採擇之廣練習之久則無以融會參伍原始而要終此又其難之難者也余不敏時與鄉士大夫搜遺編於往牒訪軼事於時賢凡例本乎章程書法倣乎國史取茲邑之風土人物服物章采而次第著之以昭法守而裨風化雖不敢自居於良史而較之舊本則加詳矣噫廬之爲邑昔爲灌莽之墟而今且土田日闢人文輩興爲淮右之勝地後之問俗者其亦覩是編而俯仰今昔欣慨交集也哉則治茲邑者誠宜懷凜於

廬江縣志

卷之首

原序

十四

聖天子澄清吏治軫念民艱之至意務使生聚教訓益駁駁於太平之盛山川人物輝光相映未可以苟焉而已也是爲序
康熙三十七年歲次戊寅端月知廬江縣事錢塘吳賓彥

原序

邑之有志尚矣周禮職方氏掌天下之地圖辨其邦國都鄙之
人民與其財用五穀六畜之數蓋卽後世志書所由昉自時厥
後代有成書明洪武開纂輯一統志以總其全下而州縣亦各
勒成一編以備掌故由是制度典章燦然大備不特文獻藉以
徵抑亦守土者藉以考政治而昭法守廬江於天文入斗六度
地介江淮其間郡縣分合之沿革山川城郭之遷徙與夫流風
習俗之淳澆政教期會之繁簡前志誌之詳矣我

國家承平日久休養生息涵煦數百年廬邑雖地等彈丸而食德
飲和既深且久土田開闢人文鬱興蔚然爲淮右之名區江北

廬江縣志

卷之首

原序

十七

之巨鎮較之舊志所載日新月盛非隨時增纂其何以紹往哲
示來茲乎歲在己未太守鞠園張公來典廬郡立綱陳紀百廢
具興公餘之暇慨然有纂修郡邑全志之舉爰命所屬次第舉
行果亭魏君以良史之才實宰斯土乃進邑之耆儒碩彥共襄
厥事卽舊志而折衷之舉凡分野疆域戶口田賦典禮學校山
川人物事蹟風俗諸大端既視舊志加詳其間潛德幽光有善
必書無微不闢更復蒐羅詢訪備著於篇信乎斯邑之文獻藉
以徵足爲後之守土者考政治而昭法守矣工將竟魏君奉檄
調任鄰封予適承乏茲邑復與司事諸君子考訂詳明斟酌盡
善俾成完書後之人視是編而考其禮樂政刑之續典章制度

之詳土田戶口之繁人物山川之美詎不足仰見

聖天子久道化成移風易俗之盛治也厥削剗旣竣邦人士以予例
得綴名簡未予旣樂觀厥成竊幸附名於諸君子之後有榮施
焉爰不辭而爲之序

嘉慶八年歲次癸亥八月旣望署廬江縣事錢塘張煥

廬江縣志

卷之首

原序

十八

原序

志修於嘉慶八年知縣魏果亭先生成之於署縣錢塢張公也
考訂詳明編次切當洵足以備掌故以為守土助計去今六十
有五年矣予初蒞斯邑當兵燹之後百務廢弛善後舉行事多
草創苦無成規以資考證而山川疆理文獻典章亦無從考究
其顛末乃欲得縣志而綜觀之訪購舊書延詢邑士間得一二
卷簡斷編殘莫窺全豹心甚惜之逾年邑紳黃仰范徵士訪尋
得之攜以示予予喜甚留置案頭藉窺故實為撫治資惟板既
燬燼書又僅存碩果之留倍加珍惜尙懼久而散失無以為將
來續修張本因有聚珍刷版為民間印家譜者命之依舊文以

廬江縣志

卷之首

原序

十九

刷印不加點竄裝訂完好存署備觀並薦紳家亦廣為分藏冀
不遺失以為後此續修地計三閱月而工竣爰書數語以誌簡

端云

同治七年歲次戊辰五月下泚知廬江縣事連江黃光彬

原序

予於同治八年夏權邑篆是年水災城垣傾圮詳報興修於次
年春開工兼庶務殷繁未遑他及適省修安徽通志檄修邑志
予懼不學固陋無以副重任而又深喜得討論此邦之典故欣
然進邑中賢士大夫而商之時記名提督王君占魁讀禮家居
延為總理前寶應知縣姚君繼韶江蘇候補知縣吳君瑾山西
候補知縣許君大同內閣中書張君盛典候選知縣章君金鑑
前石埭縣訓導孫君贊鎮孝廉方正黃君業良請為纂修江西
候補同知凌君祥遜為監局副將張君德新前常州營守佛劉
君泰來德于總許君鏞訓導馬君家彥廬君步瀛教諭馬君世

廬江縣志

卷之首

原序

二十

恩州同內君桐縣丞計君如張從九吳君道生貢生龐子繼鏗
金子程萬徐子大倫庠生張子金鑑王子立極朱子錫圭姚子
繼康王子瑩鍾子崇欽監生徐子導淮江子學智分鄉採訪其
嘉慶八年舊志幸前任黃君贊軒重刊因得以尋其端緒閱而
年而稿始脫抄送省志局一部存縣署一部未及刊刻而予又
奉調宣城縣予因詳覽所續之志皆係舊志所載悉存錄之即
有疑義亦未嘗稍加點竄以失其本真其所增益者皆殫難節
孝諸人與夫科目例仕諸類所補列傳者亦復寥寥無幾予本
不學固陋喜得討論此邦之典故謹綴數言徒以辱簡端云爾
是為序

六品頂戴郡廩	生張存本
六品頂戴優廩	生朱廷燦
郡廩	生俞金庚
探訪勸捐	
五品銜賞戴花翎前署東流縣教諭許澄露	
五品銜賞戴花翎候選知縣項宗洛	
候選鹽大使李業純	
五品銜賞戴藍翎候選知縣吳景才	
湖北試用同知柯珊	
候選教諭苑大來	
廬江縣志 卷之首 舊名 三五	
增	生柯銓
崑	生李熙載
孝廉方	正錢凝和
庠	生章炳坤
候選縣	丞凌祐
廩貢	生許芬
六品銜賞戴藍翎附貢	生徐其潛
江西試用同知	生張峻
監	生張峻
五品銜布政司理	問吳大晉

六品頂戴監	生植蔭森
廩	生姚起良
浙江補用從	九宋哲文
候選縣	丞曹時明
廩	生莫先甲
都	司張恩沛
庠	生唐賢綽
繪圖	
庠	生馬鑿章
廬江縣志 卷之首 舊名 三六	

廬江縣志

凡例

一本邑舊志存者惟雍正嘉慶兩志雍正志頗簡淨而率略粗淺處不免嘉慶志較詳賅而蕪雜疏漏處亦不免體裁均未允當茲以嘉慶志為根據而體例之因創分併則用意特殊嘉慶志所未詳者間采雍正志補之

一嘉慶志分大綱十有五細目五十有八其中或有綱有目或有綱無目甚至義不足以相統類不足以相從亦往往前後倒置混為依附殊乖體裁茲悉細為釐剔大綱併而為十細目則視舊加詳務使綱舉目張有條不紊

廬江縣志

卷之首

凡例

三五

一舊志不立天文門然考分野之圖地方百里亦上應星象特取雍正志星野考補之以弁全志之首

一仰以觀天必俯以察地舊志未立輿地門以沿革疆域山川各自為門又別營建為一門頭緒紛出茲悉省併而括以輿地凡麗於地者則按次編入

一廬江係古郡名改而為縣歷朝互有沿革後人引證聚訟紛紜未衷於是嘉慶志特詳加考辨頗為審確茲悉仍之

一舊志山川但列其名間有考證未見精確茲博采羣書參以方輿重加詳按

一水利最關民生休戚舊志以之附於田賦其所徵引不過河

湖原委仍與山川相複茲特移屬輿地並考洩壅利病之由分四鄉以紀之其陂塘隄堰則仍綴於後

一佔志祀典武備併為一門而題曰大事雖本左傳國之大事在祀與戎之語究未妥協今除學宮釋奠列入學校門外凡頌在祀典者統謂之壇廟而移屬於輿地之中

一地利與則財賦出故次以賦役舊志戶口田賦各自為門今以賦役統之其子目則細為釐正

一既富則需教化學校之設所以崇教化之源舊志特立為專門未詳子目今悉析而列之其祀禮中之從祀考則采省志補入

廬江縣志

卷之首

凡例

二八

一撰文兼資奮武舊志武備不立專門今分之而系以兵制馬政郵遞自輿氛不靖邑城失陷及克復始末俱詳述於兵事中

一宜民善俗端賴守土之官舊志職官有文職而無武職咸豐初外委熊允昇以守城殉節不可不紀特為增入

一論秀書升特舉選舉舊志立選舉門首徵辟次科目諸貢今仍之惟科目之鄉會榜諸貢之五途皆合而書之今一一分列較為明瞭其由廩增附加貢者亦仍舊例綴於諸貢之後若俊秀加貢者不載

一舊志於登仕版者強分吏材例仕殊覺參混今將文武實官標為仕籍其虛銜則區而列之至六品為止以示限制

一 人物列傳舊志所載概不刪除惟考宋馬仲甫實係合肥人今爲剔去其續增者必其人已往而事實品行足以風世方爲列傳生存者概不得與

一 人物子曰舊志除列女外別爲九門亦頗詳備但其標稱未盡妥協如入仕者曰仕蹟夫仕無功績可紀何必有傳又如行善舉者曰篤行亦殊寬泛而與廉正相混今仕蹟改爲宦績篤行改爲義行庶於名稱不謬至原傳偶有移易亦準其人之行事爲斷以存其實

一 人物應列傳與否悉憑採訪節略參以輿論秉公定奪無所瞻徇其應入何門亦必權其身分從其多者大者不使義例混

廬江縣志

卷之首

凡例

三九

涿

一 嘉慶志削去流寓然異地之人有善可紀亦不可聽其湮沒茲采雍正志以補之

一 粵匪竄擾凡邑紳起義及從戎捐軀既已列於忠節其餘士民死難者亦不可泯特增爲義烈以紀之

一 列女舊志合而不分今仿省志分之首節烈次節孝次貞烈貞孝次孝婦孝女至賢淑才媛舊志所無仿省志增若干人以綴於後

一 藝文之登必於本邑政教掌故有關非此者不錄舊志所載諸體今仍之惟其文不因事編次究嫌踳駁茲悉細爲釐訂以

清眉目至邑中有著作者亦仿省志分經史子集登其姓氏卷

帙

一 事涉繁曠而義不相屬則以雜類括之舊志祇有方技仙釋寺觀今將封系祥異及塚墓義地一併移入而更其方技爲藝術又增伽藍於簡末

一 每子目冠以小序所以揭明意旨舊志或有或無頗不一律今悉補之其原序語意未協者亦間爲刪易以歸簡當

廬江縣志

卷之首

凡例

三十

廬江縣志目錄

卷一

天文

星分

卷二

輿地

疆域

沿革

山川

水利

廬江縣志

卷之首

目錄

三一

風俗

物產

城池

公署

壇廟

倉廩

恤所

街鎮

津梁

坊表

古蹟

卷三

賦役

田賦 舊役附

戶口 農官雜飲者考附

鹽法

雜稅

儲積

蠲免

官田

廬江縣志

卷之首

目錄

三二

卷四

學校

學制 學額附

祀禮

學宮

書院

試院

卷五

武備

兵制